

**Oqaasiliortut juunip 7-anni 2002, nal. 10.00 Oqaasileriffimmi ataatsimiinnerannit imaqarniliaq.**

Peqataasut: Carl Chr. Olsen, Stephen Heilmann, Sofia Geisler.

Ella Skfte aamma Nuka Møller peqquteqarlutik peqataangillat.

Allatsigalugu: Pia N. Knudsen.

*Oqaluuserisassat:*

1. Oqaluuserisassat akuerisassanngorlugit saqqummiunnerat.
2. Kingullermik ataatsimiinnerup imaqarniliornerata akuerisassanngorlugit saqqummiunna.
3. Ilisimatitsissutit.
4. ”Oqaatsit pillugit sapaatip akunna”, qanoq takorloorparput? (KIIP-imiit Nuka Kleemannip allagaa).
5. Videntcenter om børn og unge, kalaallisut.
6. Silap qanoq pissusianik taaguisarnerit, aallarniutaasumik (Stephen Heilmann).
7. Taasariaqartut allat.


-1 pillugu-

Oqaluuserisassat akuerineqarput.

-2 pillugu-

Kingullermik ataatsimiinnermit imaqarniliaq akuerineqarpoq.

-3 pillugu-



CCO: Uani sapaatip akunnerani Ilisimatusarfimmi Ph.D-nngorniat seminareqarnerat CCO-p ilisimatitsissutigaa. Oqalugiartoqareernerisigut oqallittarnerit pisarsimasut aamma kalaallisut oqaatsitta inissisimanerata nunanit allamiunit alapernaanqarnera eqqaavaattaq.

Atuagassiami *Inuit Studiesimi* aqqisuisut Ph.D-nngorniat seminareqarneranni peqataasut, kiisalu atuakkap temanngorluni saqqummertarnermigut malinnaaffigiuminarnera CCO-p eqqaavaa.

*Inuit Studiesimi* aqqisuisut ilaat aqqissuisoqarfimmiit tunuarniarloq, aggustimi *Inuit Studiesimi* aqqisuisut ataatsimiissasut CCO-p ilisimatitsissutigaa.

CCO: Timmissat atii pillugit atuakkamik saqqummersitseqqinnissamut atatillugu Oqaasileriffimmi misissuineq ingerlanneqartoq CCO-p ilisimatitsissutigaa.


CCO: Sapaatip akunnerani 23-miit qallunaatuumiit kalaallisuumut ordbogip kukkunersiorneqarnera suliarineqassaaq, ordbogillu ukiaru saqqummersinnegarnissaa naatsorsuutigineqartoq CCO-p ilisimatitsissutigaa.

CCO: Inuit Aqqinik Akuersisartunut nutaamik ilaasortaqalernera aamma siunissami Oqaasileriffimmi ataatsimiittalernissaq pillugu Nunatta Biskopinut Sofie Petersen CCO-p sianerfigisimavaa.

Inuit Aqqinik Akuersisartut Carl Chr. Olsen peqatigalugu juunip 20-anni 2002, nal. 10.00 Oqaasileriffimmi ataatsimiissapput.

-4 pillugu-

Oqaasiliortut Oqaatsinut politikkimik nassuiaasiornerminni suliniutitut siunnersuutigisimasaat "Oqaatsit pillugit sapaatip akunnera" pillugu Oqaasiliortut Nuka Kleemannimit ataatsimeeqatiserineqarput.



Ataatsimeeqatigiinnissamut eqqartugassanik siunnersuusiornermi ataani taaneqartut ilanngussassatut aalajangerneqarput:

1. Sumiorpalussuseq (Standardgrønlandsk)
2. Allagartalersuineq
3. Oqaasilerineq (Grammatik)
4. Marluinnik oqaaseqarneq

SH: Tusagassiutitigut oqalunermi sumiorpalussuseq atorneqassanersoq imaluunniit Rigsgrønlandsk atorneqassanersoq Oqaatsit pillugit sapaatip akunneranut oqallisissatut SH-p siunnersuutigaa.


CCO: Allakkat allagarsiussallu suliffeqarfinnit inuiaqatigiinnut ingerlasussat qanoq ittuusinnaaneri qanorlu isikkoqassanersut Oqaatsit pillugit sapaatip akunneranut oqallisissatut CCO-p siunnersuutigai.

Allattaaseq oqaasilerinerlu pillugit oqallinnissaq CCO-p siunnersuutigaattaq. Marluinnik oqaaseqarneq taakkulu inuiaqatigiinnut sunniutaat sapaatip akunneranut CCO-p oqallisissatut siunnersuutaanut ilaavoq.

Nuka Kleemannimik ataatsimeeqateqarnissaq juunip 24-anni 2002, nal 10.00 Oqaasileriffimmi pissasoq CCO-lu Nuka Kleemennimut allagaqassasoq Oqaasiliortut isumaqatigiissutigaat.

-5 pillugu-

Mette Lundimit (Isumaginninnermut Suliffeqarnermullu Pisortaqarfik) allakkatigut *Videncenter om børn og unge*) kalaallisuunngorlugu qanoq taaneqassanersoq apeqqutigineqarmat, Oqaasiliortut *videncenter* kalaallisut *paasisanik siammarteriffik*-mik taaguuserpaat. Oqaaseq *paasisanik siammarteriffik* sumut ator-



neqarnersoq tunngavigalugu oqaatsinik allanik ilassuserneqarsinnaanera Oqaasiliortunit ammaffigineqarpoq.

Peter Aagaard Petersenip “Kursuscenter for kirkelige grund- og videreuddannelser” kalaallisut taaguuteqalernissaanik qinnuteqaataata eqqartorneqarnissaa tuliani ataatsimiinnissamut kinguartinneqarpoq.

-6 pillugu-

SH: Silassamik atuaasartut silap qanoq issusianik taaguutininik aalajangersimasunik taaguisalernissaq siunertaralugu malittarisassanik atorneqarsinnaasunik piummamata SH-p nalunaarutigaa allattukkanik taaguuserniakkanik tunniusaqarsimanngitsut. Taaguutit ataasiakkaatut suliarineqartarsinnaanissaat periarfissaqartinniarneqarpoq.

-7 pillugu-

CCO: Tusilartunut Siunnersiusarfik tusilartunut ussersuutinik “Kalaallisut Us-sersuutit“-nik taallugu CD-romimik atuagartalimmik saqqummersitsisimanerat CCO-p eqqaavaa. Tusilartunut ussersuutit kalaallinut naleqqussagaaneri nutaajummata tusagassiutitigut saqqummiunneqarnissai Oqaasiliortut siunnersuuti-gaat.

**Ataatsimiinnissaq tulleq pissaq juunip 24-anni 2002, nal. 10.00 Oqaasileriffimmi.**

Carl Chr. Olsen  
Siulersuisoq

Pia N. Knudsen  
Allatsi